

NAQQIUT

Siunnersuut 12. august 2019 ullulerneqartoq taarserpaa

Tunngavilersuut

Teknikkimut oqaatsinullu tunngasunik ataasiakkaanik allanngortitsisoqarpoq, kiisalu siunnersuummi § 33 f-imi paasissutissiisussaataaneq erseqqissarneqarluni.

Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx. xxx 2019-imeersoq (Uppernarsaatnik piffissami killilimmi paarinnittussaataanerup sivitsorneqarnera kiisalu illuutinik aalaakkaasunik attartortitsinernik kiisalu najukkani kalaalimineerniarfinni tuniniaanernik sullissinerit pillugit paasissutissanik nalunaarutiginnittarneq)

§ 1

Akileraaruserinermik ingerlatsineq pillugu Inatsisartut inatsisaat nr. 11, 2. november 2006-imeersumi, kingullermik Inatsisartut inatsisaanni nr. 11, 1. juni 2017-imeersumi allanngortinneqartumi, makkua allanngortinneqarput:

1. § 18, imm. 4-p kingorna ilanngunneqassaaq:

“*Imm. 5.* Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi § 35 a naapertorlugu malittarisassat atuutsinneqartut malillugit paasissutissanut nalunaarutigineqartussanut tunngavigineqartoq, tassungalu ilanngullugu paasissutissat nalunaarutigineqartussaataaneersut paasinierneqarnissaanni atorineqartussatut paasissutissat § 35 a naapertorlugu malittarisassat atuutsinneqartut malillugit nalunaaruteqartussaataanermut piffissarittinneqartup naaneranit ukiuni tallimani paarineqartassapput.”

2. § 33 d kingorna ilanngunneqassaaq:

” **§ 33 e.** Digitalimik kiffartuussisarfikkoortumik illuutinik aalaakkaasunik attartortitsinernik kiisalu taakkununga akiliinernut sullissisoq, akileraarutissat annertussusilernissaannut atugassanik ukiut tamaasa kaammattorneqarani akileraartarnermut ingerlatsivimmut sullissinerup imarisai pillugit paasissutissiissaaq, ilanngullugit attartornermut akiliutinik tigusisoq, immikkoortoq attartortinneqartoq, ullut unnuallu attartortitsiviusut, akiliutit ingerlateqqinneqartut annertussusaat, kontunormu attartornermut akiliiffiusoq pillugit

paasissutissat, kiisalu attartortitsisoq pillugu paasissutissat, ilanngullugit aqqa, najugaa, cpr nr. assigisaaluunniit attartortitsisup qularnaatsumik kinaassusersinissaanut naleqquttoq.

Paasissutissiisussaataaneq akunnittarfinnut, unnuisitsisarfinnut assigisaannullu inuussutissarsiuugalugu ingerlatanut, inimik imaluunniit inissiamik attartortitsinernik taamaallaat sullissivigineqartunut, atuutinngilaq.

Imm. 2. Imm.1 malillugu paasissutissiisussaataaneq aamma illuutininik aalaakkaasunik attartortitsinernik sullissinernut, digitalimik kiffartuussisarfikkoortumik ingerlanneqartunut, kiffartuussinermut akiliuteqarneq kiffartuussisarfikkoortumik ingerlanneqarsimappat, atuuppoq.

Imm. 3. Naalakkersuisut imm. 1 aamma 2 malillugit paasissutissanik tunniussisarneq pillugu maleruagassanik erseqqinnerusunik aalajangersaasinnaapput.

§ 33 f. Akilerneqarluni tunisassianik aalisarnermeersunik, piniarnermeersunik, aallaaniarnermeersunik, savaateqarnermeersunik, eqqumiitsuliornermeersunik imaluunniit kusanartulianeersunik tuniniaanernik sullissisoq, tuniniaaneq inuussutissarsiuortumut B-tut isertitaqaataappat, akileraarutissat annertussusilernissaannut atugassanik ukiut tamaasa kaammattorneqarani akileraartarnermut ingerlatsivimmuut aqqa, najugaa aamma cpr nr. paasissutissiisutugalugit sullissinerup imarisai pillugit paasissutissiisaaq, ilanngullugit tunisassianut akiliutinik tiguisusaaq, kiisalu akiliutit ingerlateqqinneqartut annertussusaat pillugit paasissutissat.

Imm. 2. Naalakkersuisut imm. 1 malillugu paasissutissanik tunniussisarneq pillugu maleruagassanik erseqqinnerusunik aalajangersaasinnaapput.”

§ 2

Inatsisartut inatsisaat ulloq 1. januar 2020 atuutilissaaq.

Namminersorlutik Oqartussat, ulloq xx. xxx 2019

Kim Kielsen